

CO21039 Heol Draenen Pen-y-graig a Rhodfa Templeton (Teithio Llesol i Ysgolion)

Adroddiad ar yr Ymgynghoriad

Hydref 2022

Cyflwyniad

Cafodd ymgynghoriad cyhoeddus ei gynnal ar gynnig i wella'r seilwaith cerdded a beicio yn ardal Heol Draenen Pen-y-graig / Rhodfa Templeton yn Wardiau Llanisien a Rhiwbeina. Cynhaliwyd yr ymgynghoriad cyhoeddus rhwng 13/05/2022 a 03/06/2022.

Gweithgareddau Ymgynghori

Cynhaliwyd y gweithgareddau canlynol i hyrwyddo'r ymgynghoriad:

- Dosbarthu llythyrau i eiddo yng nghyffiniau'r cynllun
- Hysbysiadau safle yng nghyffiniau'r cynllun
- E-bost at randdeiliaid ac ymgynghoreion statudol
- Gwybodaeth ar wefan y Cyngor

Canlyniadau'r Ymgynghoriad

Cafwyd 5 ymateb unigol yn ystod yr ymgynghoriad cyhoeddus hwn, ac mae dadansoddiad o'r ymatebion fel a ganlyn:

5: Cefnogaeth, a nifer yn cefnogi gyda sylwadau / awgrymiadau ychwanegol.

Sylwadau Cefnogol

Cafwyd nifer o sylwadau yn dweud y bydd y cynllun hwn yn gwella diogelwch cerddwyr drwy'r ardal.

Roedd yna sylwadau hefyd yn dweud y bydd y mesurau hyn yn gwella teithio llesol ac yn annog mwy o gerdded, sgwtera a beicio yn ôl ac ymlaen i ysgolion yr ardal.

Canlyniad yr Ymgynghoriad

O ystyried yr ymgynghoriad cyhoeddus cynigir **bwrw ymlaen** â'r cynnig fel y dangosir ar y cynllun amgaeedig.

Materion Penodol

Mae materion penodol a godwyd trwy'r ymgynghoriad wedi'u nodi isod ynghyd ag ymateb y Cyngor. Lle mae'r un mater wedi'i godi gan ymatebydd gwahanol, mae'r rhain wedi'u grwpio gyda'i gilydd.

Mater	Ymateb
<p>Cafwyd sylwadau ynghylch a allai mesurau arafu traffig ychwanegol gael eu cyflwyno mewn lleoliadau eraill ledled yr ardal.</p>	<p>Mae'r cyllid ar gyfer y Cynllun hwn wedi cael ei ddyfarnu gan Gronfa Teithio Llesol Llywodraeth Cymru, ac nid oes unrhyw arian ychwanegol ar gael tuag at gyflwyno nodweddion ychwanegol ar hyd y llwybr hwn. Mae cyfyngiad cyflymder o 20mya ar bob ffordd yn y cynllun. Ym mis Medi 2023, 20mya fydd y terfyn cyflymder diodyn ar y ffyrdd ym mhob ardal adeiledig yng Nghymru. Cyngor Llywodraeth Cymru yw na ddylai awdurdodau lleol gyflwyno mesurau arafu traffig ychwanegol fel modd o sicrhau mwy o gydymffurfiaeth gyda chyfyngiadau o 20mya.</p> <p>Os oes gan breswylwyr unrhyw bryderon eraill ynghylch diogelwch ar y ffyrdd, gallant eu hanfon drwy e-bost i: projectautrafnidiaeth@caerdydd.gov.uk neu drwy'r post i Prosiectau Trafnidiaeth, Ystafell 301, Glanfa'r Iwerydd, Caerdydd, CF10 4UW ar gyfer ymchwiliad.</p>
<p>Derbyniwyd sylw ynglŷn â phe bai modd uwchraddio'r croesfannau sebra dyrchafedig arfaethedig i signalau croesfannau dan reolaeth.</p>	<p>Hoffem eich hysbysu y cynhaliwyd asesiad o ddiogelwch cymharol croesfannau sebra yn erbyn croesfannau a reolir gan signalau (h.y. pâl, pelican, twcan) yng Nghaerdydd yn 2014. Nododd yr asesiad hwn nad oes achos amlwg dros gredu bod un math o groesfan yn fwy diogel na'r llall, o ran amllder gwrthdrawiadau na'u difrifoldeb. Mewn llawer o leoliadau ac o dan amodau llif traffig a cherddwyr priodol, mae croesfannau sebra yn briodol ac mae ganddynt y fantais eu bod yn rhoi blaenoriaeth amser llawn i gerddwyr yn erbyn cerbydau. Am y rheswm hwn, nid oes unrhyw gyfiawnhad ar hyn o bryd i newid y math o groesfan.</p> <p>Mae'n destun gofid nad yw rhai gyrwyr yn talu digon o sylw i stopio wrth groesfannau sebra pan fo cerddwr yn aros i groesi. Fodd bynnag, fel y nodwyd yn Rheolau'r Ffordd Fawr, dylai cerddwyr aros nes bod traffig wedi stopio cyn defnyddio unrhyw groesfan ac mae hyn yn berthnasol i groesfannau pâl neu yn wir unrhyw groesfan arall a reolir gan signalau. Er enghraifft, rydym yn ymwybodol o ddigwyddiadau lle mae gyrwyr wedi methu â stopio pan oedd y golau'n goch wrth groesfannau ac mae'r risg o wrthdrawiad o ganlyniad yn uwch, gan fod cerddwyr yn tueddu i roi</p>

	llai o sylw i draffig gan eu bod yn ymddiried yn y signalau.
Cais am folardiau ar rai rhannau o droedffordd.	Ar ôl gweithredu'r cynllun hwn yn rhan o waith monitro ar ôl y cynllun caiff arolygon eu gwneud i nodi a oes angen cyflwyno bolardiau yn rhan o'r cynllun hwn.
Gwnaed cais am gyflwyno Gorchmynion Rheoli Traffig mewn gwahanol leoliadau drwy gydol y cynllun.	Nid oes unrhyw newidiadau arfaethedig i Orchmynion Rheoli Traffig fel rhan o'r cynllun hwn, dylid cyfeirio unrhyw geisiadau am Orchmynion Rheoli Traffig at y tîm Gorchmynion Rheoli Traffig i ymchwilio iddynt, gallwch gysylltu â'r tîm drwy'r manylion isod: Tîm Gorchmynion Rheoli Traffig, Cyngor Caerdydd, Ystafell 301, Neuadd y Sir, Glanfa'r Iwerydd, Caerdydd CF10 4UW gwasanaethaucymdogaeth- cymorthbusnes@caerdydd.gov.uk

